

龍壁山房己未集



龍壁山房詩集卷八

己未集

春雪中偕震舫翰臣萍石攜酒觀齋壽陽顏相用去

年雪韻賦詩敬和

料峭東風欲試燈草堂晴雪幾回曾遶穹雁斷猶題字凍
壑蛟寒待舉盃醉擁鴛鴦思噉墨夢迴鐘鼓在觚棨清時
最要豐年慶長把籌車祝滿陞

玉響鏦鏦竹韻篩漏雲寒日靜常帷早梅醅醜春前樹殘

菊擘皜雪後枝京師盆菊每經冬臘愁倚蒼茫成好句喜聞衰病託

良醫元亭寂寞頻來晚羸得風流載酒鳴

從弟蘭賓芝庭先後來都相見悲喜開歲五日同返廣

州既送之行拉雜成詠

卷八

屈指高曾後飄零回氣稀合原況多難雁渚又同歸事業
期中起門閭愴式微王程須努力揮手罷沾衣

簿尉清時好蠻荒僻處宜先人曾宦跡故老定聞知荔子

連村樹枕榔夾路絲善承清白裔休惜一椽卑

戰國傳申子當時道獨行青箱慚輟業雄劍枉論兵帷幕

須人寄州家始自鳴余將老金馬世德看恢宏

何意微生日居然世亂尋故山思越粵烽火隔雲岑臘日

酸風莫襲鄉靜夜碓迴腸時極目雙鯉莫浮沈

大雪連朝申甫立夫各疊前韻見示因復效顰

到春十日三日雪咫尺西山龍尾沒天公作意不肯休有

似無窮鋸談屑聞聲飄颯寒逾勁在目晶瑩皓已潔拂衣

旋著笑蒙茸縮手相看畏戰裂高枝亂啄寒鳥喜大谷深

藏老麋悅田家楮柚想紅煨。瓊幕醉漿思熱醲。梨花萬樹
紛萑蕾。玉筍千峯盡。羅列軍門戰鼓插。底沈驢背吟髭撚。
須脫豈無冷鏗柴荆戶。亦有銷金雲霧闌。連朝坑塹應盡
平。大地叮咛敢誰割。憶昔南中見雪稀。偶然詩思生銅鉢。
宦遊極北少逾壯。漸覺豪情冷衾鐵。矧從遠道逐戈矛。厭
見高原灑毛血。龍團活火嬾自煎。蓮花清樽屢空設。始從
昨歲和茲篇。病馬沙場齒牙齷。相看銳欲扛。鼎雄祇覺怒
思吞。海渴如何蕩漾。鷺毛重旋復淋漓。兔毫折離筵。鬪槩
醉膽困撫髀。論兵壯心熱。便當龍虎整雄區。一洗狴狸盡
妖窟。斫地悲歌劍鉞鳴。仰天大笑冠纓絕。朔風門外吹猶
厲。一綫寒雲下飛鶻。昆侖昨夜定開筵。淮蔡當時此犁穴。
會看騰踔凌霄漢。定爾功名爭日月。人生所得意氣虜。眼
底么磨灰燼滅。果然快意逐黃塵。猶欲高詞篆丹碣。不然
冰柱雪車吟老我。雕蟲甘禿筆。

春來

春來將及半。大雪尙連朝。日薄煙易暝。晚寒風更饜。層冰
愁布屋。疲馬望江皋。明日長安陌。何心問柳條。

頰叔曉直清漪園歸戲贈

積雪神皋路。仙郎走馬歸。迴風欹絮帽。飛霰上朝衣。白鶴

尋雙表

園有即往
丞相墓祠

青霓看一圍。內人稱三山
之幸爲外圍雲屏毋乃恨

錯夢到金微

拱辰樓大雪次日晴霽疊前韻

歲朝如瞥過。燒燈大雪連。番得未曾莽。蕩湖光飛萬絮。迷
茫山色隱孤簷。邨林落落餘鴉點。苑闕迢迢但鳳林。白玉

高樓元上界倚闌清夢獨哇勝

樓頭寒旭一簾篩傍曉新晴透客帷煙影散遮連苑陌鶻
聲歡繞上林枝冰敲鐵甲傳吳會雲臥滄江念越醫在年
臥疾越中感此百憂聊自釋尖叉韻險又昏鴉

苑廬夜直再疊前韻

苑廬蕭槭一孤燈自覺清寒到骨曾深禁有時驚客覺故
鄉無地著漁簪仙壺夢淺搖紅燭雞樹風微瘦碧稜聞說
朝官幽事近連朝晴雪覆花勝

淡月西南漏點篩峭寒惻惻在車帷香雲自擁金莖路靈
鳥爭栖玉樹枝三日計過頭雁節千金猶覓手龜醫清時
退食蕭閑劇隱几青山笑凍鴟

壽陽師相命作觀齋雪集圖再疊前韻賦呈

卷八

三

精廬一雪話深燈古屋營邱得似曾欲把高齋傳粉本頓
勞清夢觸漁罾檐花撲殺飛無影蒼樹槎枒凍有稜稍喜
寒天修竹在翠梢青葉護階階

元雲隱隱瘦陽篩難得春風坐一帷雲鶴待迴天際影庭
花都著歲寒枝他時豈獨詩能壽此地頻來俗定醫圓罷
門牆思執挺夜深隣巷記聞鴟

樓居卽事六疊前韻

小樓剛貯短檠燈樓角籠詩幾輩曾雪霽山容宜拄笏冰
開湖面好投簪雷車聲隱來天際芳草煙微上陌稜長日
青春好無事幾家安樂羨農勝

玉斗紅絲墨藩篩精廬還當讀書帷林鴉向晚時翻樹苑
柳禁寒未放杖浮世功名原似奕徵生貧病豈能醫金門

誅蕩吾何敢愁見昏黃嚇暝鴟

花朝在直連日霰雨作寒排悶重拈前韻

習習餘寒繼曉燈花朝花事問何曾歸巢旅燕還依社
水冰魚不費餐鶩栗風威仍作陣模糊霰影欲生棧
一試天如墨祇恐春光凍麥塍

冰華頻雜雨聲篩客館春深未徹帷日下漫愁孤鳳語風

前難覓亂鶯枝天文浪說江湖溢時事誰將疫癘醫忽憶

清明濛水日暗雲叢箐嘯鴉鳴

壬子二月逆泉出永安州時亦連旬積雨中也

自顏其居玉池西舫用元納新永光寺詩中語也招集

伯韓霞舫翰臣及從子霞軒爲袂日之飲遲申甫病

不至

門外清涼白玉池當時照影辨禪師風流首座都名世零

卷八

四

落雙松又幾時人代蒼茫雲易幻街隣寥落燕新知底須

零渚兼蘭上聊爲青春送酒卮

懶朝縱欲任相羊難得他鄉似故鄉十載重逢都舊雨一

樽薄醉又斜陽未妨金馬嘶賓戲那得紅螺遲客觴持比

峴山坡下宅玉華愁寂好蒔裳

樓居有懷東亭

朝日山氣青夕日山氣蒼青蒼兩不見月出山微茫我居
樓面湖與山日相羊春來湖水生夜月凝清光湖邊樹倒
影離立儼成行有時湖上山宛在水中央湖風一蕩漾山
影隨波長卻憶我故亭遐哉山水鄉風塵久遠出魂夢未
或忘何期直金門數椽得清涼日入車馬息山水儼一方
人生逾目前我勞容小康彼哉市朝客吾意非所量

過半村居小憩

東風來幾時綠意盈芳草道旁楊柳樹煙影含黃小茆檐
酒家春窗戶誰灑掃停車偶憩息白日欲頽照迴頭看西
山山色遠逾好長林迤山麓春氣浮林杪樓觀幾丹青高
原時帶繚沿綠野田麥青入中山道有人乘軒來數騎策
騾裊悠然入圖畫不識閣廷老矯首望東南蒼茫極雲表
車中問何詣塵土日紛擾江南好桑落不讓瀛洲道未知
江渚春猶有人秧稻

才覺

才覺春光好春光早欲回深林聞謝豹香草出冰臺戰伐
多新鬼艱難幾異才揮戈江上旅愁見夕陽摧

喜虛谷謁選至都

年年閒夢熟普洲中歲攜家更遠遊墨綬低回身世感青
天牢落古今愁舊時月照梅邊笛何處燈殘水上樓獨對
青春如夢裏玉尊紅燭且時休

潤臣繡山招陪諸公展禊慈仁古寺適以是日當直未
赴

城南花事好尺五餞春年勝日復茲會流風餘昔賢朋交
愴零落世路惜連遭媿我中書石春衣殊未湔

伯言先生之喪聞之殆稔感痛不能爲詞先成此律

朔風飛震一春迷斷鴈沈雲薄日低何幸荒江遺老宿依
然殘魄墮驚聲青山瘞骨能孤弱破甕傳書定棗梨隔歲
遺編先寄我亂行昏檠獨愁悽

符南樵孝廉

葆森

來試禮部見遺詩刻並屬題其湖山

載酒圖卷 時方纂正雅集

平生姚合故情親記別軍中瘁死瀕
謂石甫廉訪君所師也曾說當時射雕手
遲看千里化鵬身別裁僞體思先輩收拾遺編定幾人
正合風塵起騰踏湖山樽酒莫悽神

霞軒重來京邸相聚數月頃復之官建昌再送一首

看君舉翮到蒼雲獸說江湖墮袂氛人事幾回還落落客心重別又紛紛
迢遙彭蠡多春雁縹緲香爐苦陣雲沙雨

草風仍好在東州奇績要騰聞

時聞建昌收復故云

申甫京兆署後重葺新軒落成招飲次韻
軒爲前京兆何文安公手

葺

清時宛洛盛樓臺東閣官梅信意栽往事任從前日去好花端爲後人開
雲峯舊照何山席草樹新除蔣徑萊猶是

卷八

六

西山好巖翠倚窗一笑破春來

傍海狼煙恨未平幾聞風議出公卿高岡自愛迎朝日快閣還宜繫晚晴
萬室歡顏思廣廈幾人豪氣奪妖槍此邦桴鼓多風力看子飛揚酒畔情

慷慨

慷慨幾人思滅賊寂寥孤士自興歌蕭蕭素壁緇塵暗蕩蕩青天白日俄
蕭葉風香春夢熟鶉姑聲亂暮雲多閑園花竹聊相溷過雁音書問若何

苑廬二首

滿耳暮更聒未休曉風吹樹忽如秋宮槐葉底初陽暗啞
輒新絲學一篝

新蟬

醉袖籠鞭事幾霜湖波滿滿蓋雲香而今蓮葉東南路一

角輕紅澹夕陽殘荷

雨後扈直清漪園謁元耶律文正公墓祠

鬱鬱翁山麓蕭然孰祠墓修治傍宮苑

乾隆間
修建

磊落想

皇度宿雨積高原朝煙靄庭樹虛堂神鬼嚇遺像冠裳塑
緬懷耶律公草味適天數倉皇昔元代法制僅猶具當時
茲管葛餘事猶詞賦聳乎故絕倫姚樛趙復實友助我昔
百泉遊馨香拜洲步頗聞梅溪勝咫尺蘇門路如何虛卜
築死瘞邱山處迺知賢者心七尺徇所遇鄉閭重子孫時
節守霜露縱能金盜秘那得銅槃固豹尾幸簪隨螭頭起
瞻慕餘生畏溝瀆何處青山渡

丙辰六月廿一日歐公生日同穎叔招集陶臯薊張詩

舫兩侍郎滌甫侍御丈炯甫潤臣繡山翰臣萍缸展

卷八

七

拜滁州遺像於松筠菴像爲直廬歐齋墨拓瑯琊山

刻原本北宋至今將千年而紙墨完好晁悅之李端

叔題字依然上方

高廟御題一詩蓋昔裴文達公日脩所請以刻石後奉置

滁州官署者往年州城被賊流落人閒適穎叔戚氏

自皖中來出以相遺者也同人既有歐齋故事穎叔

舉公生日尤虔而茲象適歸之是日潤臣亦攜所藏

詩龕舊摹南薰殿本公像一幀來觀分得松字

南望豫章野封蛇蟠列壩東流天塹渾夾壁明江烽東南

今歲來賊徒日橫縱吳楚兩偏帥久師頽鋒猗猗瑯琊

山醉翁昔支笻近山潁水清稽詠又羣兇謂潁郡
餘兇昔年茲

州陷兵燹殊何何寶物分灰礫荒崖疑踏躋何期靈焉何

猶得瞻丰容尺幅千載餘流播什襲重喬皇

先朝筆鱗甲生雲龍美哉乾嘉間聲明際時雍文章比慶
歷晚季孰追從不見詩龕讌羣才猶擊剗歲例舉生朝沐
居恰尋蹤歐齋獲眞面使我益懷恭禪房羅拜殷茵苔新
花濃一雨洗炎歊斜陽冷青松座中兩者德往事談惺忪

我懷城南集此別亦有悰有人弃毛錫樽俎偕折衝

謂會
濂生

侍邸邵位
西員外

樓居夜起

南窗作陣撲簌飛青蟲北窗臨水魚蛤相噉嚼南窗北窗
夜作風雨聲起視屋椽星斗光融融金門夜靜黃埃息月
魄茫茫野煙出沈寥山水氣清冷上界仙人幾人識飄然

卷八

八

忽憶洞庭舟舵尾風燈百尺樓跳魚撥刺鳴蟲幽蘆花蓼
葉長如秋祇宜今夕無風雨誰識天涯有旅愁

酬揚性農戎部

夔珍

寄示移芝草堂詩草次琴西韻

深山客蹶居日夕自歌答百尺人海樓嗥然雙板闔從來
孤絃亮眾咻反諧諸楊侯守鄉閭兩度芝生闔鄰里眾三
百退賊慶春榼識君昔京師何止歲十而宛陵白頭郎當
日盛門榻吾儕同造廬擅爐聚羣衲結交慚寡陋頗畏風
塵雜梅老獨謂君恢宏在履屐詎聞一鄉士賓介能馭選
離別久風塵傳聞竟蕭颯孫郎頃託我長卷寄新搨巨刃
起劔天黃塵知悔踏洞庭蛟龍居雲水日黠黠湖山轉沈
冥百怪腸腑合嗟余昏塵塗才分譏斗合矧從走軍幕敢
弃傷鞅韜時英盛楚材拭目拔狼嗷龍伯昨歸朝辱詩歲

方腊輪臣來時會辱寄詩懶慵闕言讐巾簪愧朋盍宛陵又已矣雷鼓孰鞋靴

放歌行題城南買醉圖卷爲葉二潤臣作

生不能入海控長蛟登山射猛虎又不能鹿門歸築龐公
塢學書學劍身莽鹵少壯跋跋歎何補往昔沈吟寶劍篇
新來畏讀登樓句長安酒家被酒眠楊花如雪春風顛與
君承平俱少年當日不知樂事偏十年一別交衢路白日
青天灑飛雨世事無端變白衣故人幾輩歸黃土天橋酒
樓高矗天樓中歌舞殊依然金尊美酒斗十千飛紙不用
青銅錢與君且復行流連人生笑兀樽前意猶作他時圖
畫傳

繡山屬爲王子梅鴻題顧祠聽雨圖書感

卷八

九

我觀勝國時駿厲邇商俗如何士氣揚不救國齡促頗疑
講學斂學子百書束事至張空拳冥心轉如朴崑山慨然
起樸學始開勸天人獨摩研日月廣哀錄高尋暨方圍資
用惟帛粟萬事孰權輿百王相繼續犖然在經策暗室有
明燭 昭代百年來茲流實饒沃疇人與經師前後比躡
足其間造通聖各自由偏曲功惟許鄭崇論與程朱篤濶
朱江戴倫境地日開闢豈無或破碎是有宜甄錄京師時
晏居古寺尋芳躡巖然祠宇成香火微曹局首事厥張穆
洲何紹基何子貞般勤資畚揭我時亦肩後末座衣慘綠如何十
載餘世事日越越先亡愴平子石洲石配食宜杯淥我昔一出
還時薦猶有屬春風來集奠檐角見朝旭記從設祖筵值
我隨戎轟傷哉淮蔡捷翻作陳陶哭世路遂崎岑歸人老

蹉跎清晨偶來過茂草憐停囑堂龕雖幸存楹桷已如椽
積垣角礪牛壞壁糞堆鴉平叔頗一歸江湖重結束子昔
傷屐齒還今見筇枝獨舍人雖拮据所願乃空欲偶攜簪
槎來聽兩倦車僕吾宗爲此圖毋亦志哀告我懷傷時變
慷慨更擊觸不見彼彥髦衣冠純錄錄聲文久拘擥章縱
成桎梏胡哉詩書澤致爾尺繩酷駕車因太行矯首懷騏
駉楊朱泣歧路抗志宜儀蠲時風本學術揀疾貴昌歎未
識起先生吾衰定何贖聞將釀同儕灑掃薦杯菽未能重
興作一爲除塵垢

中秋夜琴西穎叔集拱辰樓客散對月

漏深宮苑靜迤邐碧雲開仙客各歸去清光何處來危樓
墮煙水殘夕絕風埃獨憶沙場月紛紛戰骨堆

卷八

十

九日顧祠修葺落成諸君邀集後至有作

舊築同綿蕝新功見暨茨遺蹤何顯晦此地復興衰薦菊
筵重肅題龔字定奇雙松曾故識來對夕陽時

食蟬用蟬字韻

夜夢兆得離晨占物宜解稽文紛螳蟬辨族漏鉉錯鄉思
各湖江時新至溟澥頗聞入跪薦聊用百圍買軀勝何輪
困面目儘強楷珍筐齊上負神劍復左拐怒睨幾疑螳華
裝或爭獬想當葭泊聚時得蘆根擺柰何效龜登枉復傳
虎駭鏹投廊生烹支落商君解雖殊魚蜃溷適合薑醯灑
敲脂美金璞吸髓芳玉爛謹方得雋闋笑忍持空罷沈沈
隣酒香豔豔籬花矮常思屏盤敦莫惜汚蟬豸況當蠻觸
興厭說兵戈賦中田又生滕後帳頻移賈吾儕縱郭索羣

醜實昏駭子將行整理纓弁集繁夥當筵築京尸一掃紛
做灑

酒蠓疊前韻

詩情秋特疏酒味近少解忽翻牀頭囊勝得沙裏錯夙聞
踞蟪穴豈習涪雞粥丈人緯蕭縛稚子承筐買淋漓傳趙
漕錯落付崔楷金銷介士甲鐵缺神仙拐形落或殘狸角
偏時獨解憶從藿食甘每值霜風擺盤盂堆磊落童姪紛
喜駭將毋伶魂墮直擬萬革解背紅不須炙血碧幾成灑
旅食厭膏粱官廚愁酪爛旣宜燥吻索那得饗涎罷雁鳴
淀澣哀蟀人燈窗矮時光又蕤膾土物宜花牙鄰里因敲
吸江湖猶鬪賊有田化荆杞何處栽芑蕒斷火夢蒼涼山
棚集荒駭行將荷鍤死無事發言夥一笑溷杯螯聊將就
站躡

卷八

十一

覺薌先生見過次其初秋咏懷詩韻奉贈

番休閒日一廬藏常誦新詩擬暢當何意停軒來躡躡頓
教揮塵得蒼涼咸甯輟洗誇親見指使論兵幾廢忘宣曲
宜春在雲表平生合是魯靈光

壽陽師相出示江天極目圖卷並詩感賦

金陵昔名都江表森龍虎 國朝亦重鎮幢節此開府粵
寇起邊隅狐鳴出村隴前時雖識兆詎謂成捲土天府夙
高名先聲耀旗鼓隣氛張郢始復籌壘圍一往邁陳師
雙旌向滄浦國中方悉率遺此空城堵古人守四境高枕
原堂廡何期江州甲一敗零霜羽衙齋返閉閣三日疑妖
蠱黃巾動地來逐北如風雨蹇蹇方伯公平居勤字撫艱

危繕守具拮据提編戶柰何事勢失枉握千斤纜慷慨自
登陣城中倚棧柱危樓高百尺寥泐天風舞熱血灑江流
孤忠盡偃僕歟虐臣力竭畢命隨煙櫓矯首望東南三年
成畫斧誰知白簡哀

帝鑿丹忱苦

方伯以城將破嘔血不止卒事
聞蒙 恩諭有丹忱獨矢等語

我昔從軍行二年及星沙危城坐三月賊眾如昏鴉破屋
僅浮居城南況污邪一朝走嶽麓出險如奔虵我隨破卒
歸慚面不可遮門牆時進謁陳此淚如麻艱難我師相忠
蓋爲國家詎惟不鄙夷諮度數有加承平百年來寂寞頗
與奢時衰計多屈勢絀願每賒可憐春秋責低首百疵瑕
憶持愛弟書示我頭髮髻謂言彼哥事勢已成紛拏有兄
職樞軸弟命垂天涯坐視不能排咎心論其他傷哉日月

卷八

三

邁殷地仍霜搗馬革幾時至招魂渺葦葭披圖此令原風
雨迷幽遐悲歌成激烈恍惚聞嘶笳近傳城中亂壘觸爭
相譁浮屍蔽江出鍾阜鳴鬼車天人有時會賊閒乃匪差
得毋此精靈毅拔生鯨牙極目復極目層氛閒雲霞何時
眞露布丹旄帶靈車

秋杪曉直

靜明園作

瓮山西去龍橋左仙嶠離宮抱玉泉楊柳曉風殘月下水
天孤鶩落霞邊中峯樓閣虛涵影上界壺鐺好汲鮮獨有
微官慚扈從朔霜飛練想茫然

宮前爲觀
水操處云

偶成

幾時傷足猶餘痛盡日科頭又晏眠寂寞馮唐稱父老支
離方朔詫神仙春秋捧奠銷形影吳楚風塵斂歲年四壁

琴書真潦倒五陵衣馬讓肥鮮

枉樹篇

樹在淀園樞廷左垣門內直中出入所必趨也
琴西直廬居澄懷園之食筍齋舊有枉三而笙

存一住時翰林程侍郎恩澤所爲賦者去年嘗以一首爲琴西贈今秋聞復折死而直中樹獨在故爲篇

樞掖左門曲繚垣門中有木如虵蟠虵身屈立頭幡幡穆枝相葉翻其反棟花雪落子四垠青房剖出中珠璫伊誰所植切 帝闈天梁舊種曲纛擲于齡百祀雨露恩我來

一載趨金門霜朝露夕遊其根睢盱眾目誰與論黃桑對立愁孤鷓去年訪客哦西園三花蕭落獨樹存歸來倚樹

慚石櫟抱璞胡乃嗟隣璠頗聞昨者驚風旛太陰雷雨波濤掀蛻龍朽骨孰手捫三五飛落靈虯孫紅羊之劫青牛

輻相如子雲同九原謂程侍郎及池少司成師我今作詩心煩寃潭潭溫室羞僂言苑林五色丹楓痕瓜廬對臥晝復昏樽龍百

卷八

寸允金輪狂思挽強服兩韃幸我不諧旋返轅自分散村如液構但思日夕歸荒村牛筋詰屈宜邱樊往來粉柘娛雞豚長楊五柞輝朝暎他年鸞鷲紛翔騫此木萬年碩大蕃婆娑老矣余其髡

淀廬六咏

天上北斗星何年化爲石敏之不能言煮亦不可食惟應天河畔坐對天孫織七小石

何時嘉客去此樹已飄零我來青天月萬里悵青冥飽飯黃昏後樵歌起遠汀有嘉樹軒

井洌汲常眾井渾淘始難年時居井眉誰識井苦甘復恐雨時壩秋蛩號夜闌井屋

朝直君門趨暮直君門宿君門嚴九重只在湖山曲樓枕

明月夜清景耐幽獨

地長樓

我懷滿文字所學又空疎不期醉翁醉亦在承明廬欲乞
先生筆焚香幾斂裾

歐齋

湖陽車馬囂湖陰好獨處雖無畫舫遊恰有牽船住高樹

落清陰鼓舫時對語

湖陰西舫

霞舫持示令弟麀閣寄詩漫成長句呈霞舫並寄麀閣

君家卯君吾所好常時放嬾亦我同十年爲別真契闊想
見五畝眠高春黃塵十丈煩車軸夢寐聞君賦秋菊新詩

昨自故鄉來妙語居然奪山綠君家先德尤勤劬篋中祖

硯楹父書狐邱守死不忍棄此意已足矻凡愚龍池

君先尊大

自題名碧水青芙蓉往日曾停千里車升堂拜母見孺子
百年喬木神仙廬從君與我歸朝籍蛩駝天涯同偏仄羨

卷八

古

君桑落守成都爲有能家賢弟妹新詩罷讀生遙憶邱壑
平生在胸臆那知清晝起探丸坐令連鄉須殺賊彭衙同
谷悲昔賢牢落此情殊眼前干戈運數望衰息幾人崖谷
同顛連人生適意須自求聞君埽屋東西頭相招四海一
子由故山松菊憑荒幽何時大被繩牀夜同話西窗翦燭

秋

戲簡錢少廷尉同年

簿書三日不相仍跨馬走覓西山趾夜空雷雨忽騰踔將
軍盛名驚折臂知君豪氣思擒賊莫爲魏盧慚面墨君不
見脣崩齒缺郎校書何嘗日騎生馬駒

潤臣持示所得新羅山人畫東坡夜遊承天寺圖屬作

一詩時乃咸豐六年十月十二日也

承天寺中月如水夜半敞門客倒屣滿庭竹柏影參差若
藻交橫疑水底黃州逐客仙乎仙偶然閑事都足傳東園
懷古出新意黠綴人物清而妍城南古寺多幽便舍人撫
景恆流連朝來市肆矜異獲爲我展圖誇因緣乾坤萬古
此清氣不值其人等閑置贊公精舍采石舟那得人閒常
有此感君此意爲君詩此年此月此日時我庭有月無人
窺槐龍影落森躩踞林煙幕懸生寒絲長安萬戶俱魂夢
微子此圖誰復知

夢遊泰山石室作

高閣彩日生浮雲人代改石壁拂留題蒼涼幾人在

翰臣通副視學江右詩以餞之

半生牢落數親知又見星輻載道時武庫詞宗兼地望皇

卷八

五

華四牡應風詩故人舉旆情應舊賤子升堂意每遲憑語

宮亭湖上旂頻年旌節望東歸

詩曾侍郎單久
次鄱陽湖中

楊松樵茂才出都赴江南軍

荷衣竹馬念江鄉身手憐君亦自傷我愧曹邱知季布人
言類士似鄱陽行看落日盤孤際醉憶佳人錦瑟旁送爾
曼胡衣短後邸廬歸臥獨蒼涼

奉送陳三蘭谷之官江西

人情眷鄉閭時事況多難我友太邱孫相偕自童冠吾州
柳野稱賢侯又名翰羅池存學舍山水本雄觀垂髫占試
席與子接几案眾中神貌異顧我獨笑粲君家時五常羣
指白眉瓌嚴君廣川牧人口有嗟讚庭越行萬里未幾復
襪荆英雋數同儕中途各星散重逢灘水側獨與共朝肝

翩翩琳瑯姿奔走同瓦墁工師賦鹿鳴京邑來駢駢後先
雖殊遇情好日汗漫我幼本孤特君行中谷歎合離時每
易哀樂情相半嘶騎尉陀城茲遊最荒謾人爲等蹉跎節
物屢更換趙李數經過春風動銀蒜夕陽連巷陌燕燕迷
秋館我去病江沱君行滯河岸秦鬟窺玉鏡垂死親交斷
一舸渡江來情珍百錦段牀輿仰顏色對面疑柯爛慷慨
激平生餘生志幽竄世途酒食闕市道文章調膠漆且疎
薄日天儼乖叛雲門不可作兩垓愁鳴鶴巨盜視圖興黃
罷雜青豸鄉關實首禍我起隨戎幔天人悠謬生兩載失
翊贊都荔馬求林君來訪樵爨言歸舊廬化閭左頗衛捍
論功升斗秩復謁金臺畔嗟予還濩落卻掃獨踞鍛日從
金馬歸與子聊泮渙君今又亟去渾水涉滌滌漳漳易昔冰

卷八

六

凌年時未堅泮迢迢彭蠡開巢鳥多傷暇風塵莽兵甲開
濟孰濬侃列雉赫狼狽花時幾封鄴書生戎馬事尤恐涉
帛絆羽檄況南交驚烽遍閭閻窮愁到官府流宕盡親串
令原又多急數口僑瀟澹羈遲生死際能已不悲惋惜君
憐遠出昵我無良算忽憶卅年前依稀眉宇悍浮雲幾蒼
白星鬢各衰俛人生仗忠信行矣勿撓亂惴惴有光輝何
須瓦著斷不觀古循卓桴鼓揚旌罕君行懷治譜兇狡所
畏憚金石近雕鐫高文湖墳篆丹青尤灑雪雲水不漫漈
君善印刻與君重結誓豎立行有券江海待清平雲章再
及畫山水與君重結誓豎立行有券江海待清平雲章再
糾縵君者我亦蒼歸去同清晏柳水與鷺山相攜樂衍衍
江頭人識未日日風帆看

贈翰臣詩意未申復和虛谷韻卻寄

少年結髮慕登臺。實匣青萍鬱未開。陞戟一官行且老。傳車萬里看須才。新詞宛轉愁銀燭。舊學衰殘著玉杯。驥子漸長滂母健。王陽馭首青輕迴。

醉司命夕霞觴見過

隣舍喧喧爆竹聲。那堪此夕動鄉情。孱容老大催年景。拙宦羈孤向友生。欲報通明持底事。聊將暖熱對青檠。滔滔江漢傳新捷。定卜餘光見太平。

時鄂軍新復。武漢斬黃故云。

奉挽費莫文端相國

文慶

艱難天步賴匡持。一昔橫空甲馬馳。燕國才名思老輩。曲江風度冠當時。烏虛作賦慚何用。慷慨論兵事豈知。在日尋常身後覺。漫勞羣輩寫謳思。

棣生大令

寶田

來都歲暮有作

卷八

七

駸駸離別歲時乖。重喜青燈話觴齋。過日風光思伏臘。停雲消息阻江淮。新詩但覺相思好。薄宦何期且住佳。休把霜毛惜。潘令花時青眼爲君揩。

龍壁山房集卷九

己未集詩丁巳

馬平王拯定甫

喜銀少李刺史沈來都卽送還岳陽往時同出永福呂

先生瑛門前年又從征粵寇者也

元亭載酒最情親彭戴門高氣詎真我已文章慚後起君
應風教接先氏平生落拓同書劍故國荒寒尙棘榛行矣
風塵須展足我知髯也故超倫

答符南樵葆森孝廉時孝廉方葺正雅集詩也
謂數來訪約不相直也

沙隄車馬日昏昏倦策歸來屢閉門詩酒漸慵身病早風
花疑夢客愁渾九重薦達須時至當代文章孰道尊爲

上山樓同極目遠鄉烽火又堪論

穎叔送福州橋有詩用山谷以雙井茶送子瞻韻

卷九

山人睡足日亭午俗面幾日違詩書打門剝啄送急遞喜
訝翠合丹蚪珠君家鄉園摘雲腴橋官分貢瓊瑤如都城
米貴母錢困夢想只落江陵湖

以越州酒報穎叔疊前韻

屢屢炊笑五穀客泮泮統愧千金書小年東老作隣日日
日小槽紅滴珠報君鷓鴣一勺腴感君意氣真醇如衆人
汶汶直須醉歸夢那覓稽山湖

琴西穎叔夜話湖樓再疊前韻

西山朝來爽氣無拄頰日長還讀書樓窗待月夜雲積坐
恐睡龍亡領珠典公灑落仙逋腴我詩荒寒百不如元龍
百尺氣猶在枉復磊落吞江湖

嚴繡生辰孝廉見投詩卷卽贈

任華才子古英流，目渺滄江太白樓。返照河邊新汴水，亂峰天外舊黔州。崢嶸文字關兵氣，狼藉花枝當酒籌。又見鳳城楊柳色，幾人殘夢覓封侯。

雪中扈直清漪園作

一冬渾未雪，春半忽飛靈。豹尾人披絮，螭頭樹琢瓊。樓臺金碧影，池館水雲情。若許東風便，應須上玉京。

黃少蘭司馬

鑄

來自江南軍幕次，梁叔前年見懷詩韻。

長沙送子伴，髯參嬰鏢將軍。劇善談強弩，屢聞關左右。大星誰意落東南，傾身國士推君健。捷足時名並我慚，作檄陳琳更蕭索。能來詩酒對清酣。

虛谷來都，勸齋夜話次梁叔韻見貽。

詩家誰解靜中參，日日清狂倚醉談。祇恐緇塵滄洛下，枉

卷九

二

愁明月夢淮南，遁坏蒙叟真便嬾。東閣殷生未解懶，來及東風試花事。忍無新句覓朝酣。

滌甫給諫丈將赴東河壽陽師有詩贈行屬次韻。

微生立腳欲何階，往事回頭多莫諫。惟餘師友不相遺，退直城闈造門慣。旋馬庭除時雨泥，臥驄門巷常晴晏。雖言文字託烏虛，猶擬經綸資補綻。自嫌書劍本疏略，那得掾曹爭職辦。師門學術窺鼎鬻，客座風流憶茶串。歲歲冬烘未解寒，朝朝晏起誰懲慢。底須雷雨恨鮎竿，坐恐春秋擲駑棧。自從洛下啟閑園，祇欲龍門附槃礪。侍御重來職諫諍，丈人生計勤鋤鋤。心知學道有真源，眼見游塵悉虛幻。豹隱元章自忍饑，牛紉鐵鼓誰工縵。由來有守自有爲，至竟無身亦無患。人生索處易生蓬，吾道隨行敢從鴈。况連

瓜葛蒙深愛又復薪樗刮清盼醲飲常逃自在禪行歌豈
顧旁人誦雄文下訂意尤殷何肉全刪語非謾棲鳥府肅
獨眠遲羅雀門高同請閒官炙稍聞出探懷兒衣準備裁
遮軒時丈將生子食常戒生 豈期溫室谷前席翻欲宣房
值公會多不與飲議

事從宦或言叱馭本精誠詎有飛鴻防弋篡觀齋昨謁親

新篇詩壁高張甲重撥弁州舊律轉森嚴古道縵飢通徇

饑師有德飢亭集舊說饑飢與徇谷饑谷皆上艾地 旅驛春風惜楊柳江湖夜雨

思葭亂行看老驥使籬雲白晒寒魚欣得汕三年鐵柱待

遄歸一日金章望重綰長江軍壘息狼烽隣舍人家掩豚

柵鸞鴉鷓薦盡摩霄安惜枋榆搶鳩鷓

月夜杏花下作

黃昏晚飯深檐坐新月林梢一痕破棲鳥林間時有聲花

卷九

枝濛濛月微墮去年種花春事稀今年看花春又遲兩株

紅白自能好正是江村萬葉時連畿到處愁蝓子吳楚東

南兵未已削榆爲粥冰作糜重說流亡起淮汜探花爛漫

曲江曲暖日和風渾不足明年花發定如何日坐花前轉

愁獨

三月三日同人集慈仁寺春祀顧先生祠次滌翁韻

我聞勝國多遺老薇蕨山中半黃稿崑山老子最奇崛芒

躡平生盡洲島高才王霸誰將試絕學天人獨尋討縱橫

萬里鬱胸臆歌泣千秋愴行道出處蒼黃吼具論經過寂

寞猶資攷古寺慈仁昔寓遊雙松祠宇存泥爪皂帽管甯

膝幾安塾山郭泰塵曾埽開成舊井汲又渾昆盧高閣尋

殊杳何況當時眼底人誰知異日春前草同儕數子修盤

敦屢約茲辰。絜芹茹世事。如雲那足憑。遺經在。橫還宜保。
微生文字稍漁弋。情學凡將愧蒼皓。逐獵虛聲。謾少年歸。
師往哲期同好。越峴山人古貌心。長歌祭酒。攄奇抱。廿七
人來竝題記。稽山觴詠風塵表。河梁別意更惘然。他日流
傳視文藻。

追悼陳少逸上舍森嘗爲石函記傳於時者

東風三百梨園隊。天寶當年樂未涯。璧月樓臺空色相。采
雲歌管左風懷。搜神于寶才難盡。荷鍤劉伶恨豈埋。昔日
龍城曾記錄。雨餘陰火散秋齋。

閩中翁蕙卿郵詩相示次韻

平生未識周太樸。傳道河聲流向西。隣女爨彈金絡索。賈
船長載碧琉璃。世途荆莽還歌鳳。吾輩文章笑舞雞。鼇頂

卷九

四

石樽能日飲。迷方那不羨高樓。

琴西招飲東齋。舊黃左田尙書食筍齋也次韻

新闢東齋竹映帷。退閑招客且論詩。主人自具千畝勢。先
輩動令十日思。天畔巢痕聊許託。生前食籍詎能欺。再來
有待風吹籟。看取嬰兒脫襁時。

極樂寺看海棠時花蕊甫齊也用壁間韻

杪春風日劇清佳。花與春人竝好懷。三月穠華分帝里。十
分清豔出山齋。曹騰錦幄千絲障。的歷金珠百琲排。不見
當時菡萏水。國香堂畔護籤牌。往時寺門
荷花極盛

繡山潤臣邀同招飲何子貞編修於顧祠側步子貞韻

海棠開盡寒猶在。花事今年爛漫無。歷落雙松原老物。寂
寥抔飲幾狂夫。名山冰井看能守。時雨玉師總待蘇。經籍

未忘重感舊爲君攜酒合成圖

大樹蒼海棠作花距直廬僅數十步頰叔獨遊有詩大

風中次其韻

樓居反關行自封雌者蝶過雄者蜂頗聞隣寺花枝紅誰
歟獨遊詩料供可憐香國久蒿蓬胡不移之羣玉峰飄茵
落溷惟天工有時西轡慚避東國花堂豔花之濃未知此
花誰擅絕猶喜昨遊曾偶同我年方強衰欲翁花顛走馬
情夙鍾誰知隣舍未相覲乍讀子詩如見逢狂風連日吹
花空因花狼藉愁年豐夜寒燒燭轉相弔惆悵如君使我
備

西安都統雙林義馬圖紀在高唐軍中馬爲賊掠不去

作也沈侍郎

兆霖

邀與琴西同賦

卷九

五

九部營門賊突起礮驚馬逸不能止賊來掠馬馬悲吟我
兵求馬連賊禽馬能拒賊兼戀主定知都護眞材武王畿
破賊西師旋此馬義聲圖書傳繫余賊起曾戎幕萬馬軍
前互騰卻的盧趨躍斑駘怨我欲題之慘不樂君不見江
淮日夕煙塵昏仗馬肉鬚聲屢吞峙芻如山千駟屯幾時
歸放華山原吁嗟馬能知義猶如此請旣當時報恩子

琴西寓廬花事頗饒再疊頰叔大樹蒼韻余苑廬及舫

齋海棠丁香近亦作花因復和之

園花露牆春不封新詩鬧若貪花蜂丁香淡白海棠紅搖
毫擲簡幾不供仙郎賜居壺與蓬全家花覆三山峰花開
琢詩語獨工我廬居偏一水東牆角爲有斜枝濃城中齋
舫亦灑掃籬落數閒春事同老槐垂纓百歲翁花前時覆

琉璃鍾苑廬退直幸多暇沐日歸看疑乍逢直每以四日更番休息
人閒轉燭愁春空花開花落誰歎豐朝眠獨聽黃鸝語持
比君詩能解慵

頴叔作詩近喜山谷琴西有詩及之再疊前韻

新詩穎脫不可封雙脾蜜飽如山蜂年時弄筆紛青紅一
朝揮斥疑弗供朝來花寺行披蓬眼明翠豁西山峰花閒
著語愁春工我如敗畝行南東犁翻恨少春膏濃老坡謬
語效山谷兀傲宗師能強同孫郎頂禿神老翁百年永嘉
靈所鍾曾參涪翁變詩派與子左右源其逢游絲百丈搖
春空漫山李桃顏色豐閉門風雨獨蕭瑟牆角梨花愁更
慵

散直口號

大風連日作此詩也

卷九

六

剗地東風春已歸柳棉榆莢撲人飛樓頭翠隱山重疊湖
面青搖樹四圍極目天涯愁莽蕩驚心池館斷芳菲人生
適意當前好隨分鷗鳧要恩機

頴叔招同潤臣伯涵諸君講集琉球向有美阮宜詔兩
貢使於寄園別館卽送歸國

中山人士古鬚眉博帶寬袍對舉后閒訪西華徵彥會近
傳東國解聲詩風清船趁滄波路雨熟崆峒小麥時歸去
皇華壯行卷書流皇象惜何之貢使乞書

拱辰樓下一柳忽萎頴叔有詩三疊前韻

樓陰一閣春煙封依樓芳樹不留蜂晨朝聊隔飛塵紅吹
絮吹花如弗供昨秋零落先蒿蓬爽氣頓駘青瑤峯眼前
得失知誰工春風放綠湖西東樓枕不復織萋濃一般臨

水足生意咫尺榮枯胡異同樓居黯觸香山翁散朝駱馬
騎龍鍾焚香閉閣獨惆悵會記絲綸闕下逢神君色相原
虛空阿誰含嬌悽永豐黃昏獨坐自灑掃老我西山眉黛
慵

喜王少摩大令來都題其詩卷卽送之

高歌拔劍笑王郎斫地悲風動豫章不料江湖俱老大可
能詩酒復顛狂黃鑪鬼伯傷新故碧海神山付莽蒼偏著
鶻冠行試吏祇愁行謁問賢良

閩粵軍書疊報與穎叔同有鄉里之戚四疊前韻並示

琴西

我生不能萬戶封低頭行吟愁蠹蜂狼烟夜觸蠻天紅敞
鄉幾年盜賊供家園數畝本飛蓬戢戢萬山刀劍峰夜虞

卷九

七

攬蛟朝射工南山之南東海東可憐血濺郵花濃銀簪擊
鼓會都老悍卒懦官卷甲同頗聞十斛收田翁平時虬膏
傾玉鍾醉來闔戶不忍出荆棘流亡愁道逢狂飈雨餘聲
息空草橋備花壓擔豐括蒼山色亦隣近躡壁花前能放
慵

圍直口號

背麗遙青嬾畫眉三山瘦馬策鞭遲卅年前事分明記日
出邨童上塾時

秘閣森森隱紫垣門前流水珮聲繁誰知雪曝茅檐下垂
白冬烘挾兔圍

疊顧祠韻投子貞

先生老至翻豪宕笑我元龍意氣無時倚新聲思玉局數

聞餘論薄潛夫書珍舊史頭銜別酒熟高隣鼻觀蘇休負
當時射鵬手筇枝五岳好身圖

豐臺芍藥花開最盛京師人家齋壁殆遍不知始何時
也五疊前韻賦之

十步五畦雲錦封千蘂萬萼迷蝶蜂縹青綾白紫閒紅長
安人家紛買供揚州花田傷棘蓬礮雨晝昏江上峰對花
不語愁花工豐宜郭外路南東幾時占卻春花濃十年世
事盡蒼狗猶有此花爛漫同擔頭赤仄疑花翁晚歸欲醉
無深鍾誰知豪家已狼藉到處牆腰籬角逢一杯婪尾愁
春空眼前韶麗殊光豐洛陽古道東風軟不見欄杆春晝
慵

爲琴西題海客授經圖時其琉球弟子阮宣詔方以貢

卷九

八

使來京師也

先生禮酒尊王傅弟子華簪壯使臣檀洞冠裳蒙化久鴻
都風雨歷時親當年教習能知學此日披圖笑逼真讀了
六經哦七字 聖朝文物本柔人

偶得董文恭公畫竹小幀持贈琴西媵之以詩六疊前

韻索和

華練一尺剔煤封丹青齧缺愁馬蜂篔簹駁綠山花紅卷
贈合君齋壁供東山妙筆生瀛蓬詩如香山畫一峰傳家
翰墨真神工當時舊值仙園東樂泉竹色傳煙濃高齋食
筍雖後出先輩清節將毋同廣川之叟黃山翁詎有烜赫
銘鼎鐘高歌青眼到吾子鸞鶴中霄才一逢風翎肅肅捎
青空定能竹里沽新豐百年文物感蕭颯畫理詩情那可

備

伯涵老兄以出遊城西看極樂寺海棠萬壽寺松長句見示次韻萬壽寺余猶未到也

踞居癡若獨脚蜂。精英磨蝕歸殘叢。城西蕭寺報花發。走馬來看能起慵。國花堂開隱修竹。露苞萬蕾真珠紅。松關咫尺惜未到。自顧所得亦已豐。來鶴山人近蕭散。馬蹏時出驕春風。詩人酒伴足清興。花木一徑禪房通。作詩示我好風格。鬚髯鱗鬣生虬龍。京塵雜遝遊士女。為花作態妝纖濃。詎知世外有高節。冰雪凌厲無丰容。昏昏愁隘轉積俗。此語警發如晨鐘。山樓退直卧朝爽。檐角鐵鳳聞丁東。少年看花弗稱意。曉夢月落尋無惊。連朝風雨花事了。往與盤礴支離翁。

卷九

九

穎叔留劉炳甫夜話湖樓分得別字即送之官蘭州
小樓如甌塵生熱黃昏火雲揚列缺夜深月出風露涼晚
達詩人貞苦節隴山西去煙塵清黃河流水繞邊城五月
天山寒尚雪多應記我樓頭別

楊湘芸郎中喪其幼子衡孫甚欲慰之適子貞以曼韻詩來因復次韻

衡孫幼齡書筆直通魯公亦子貞所賞也

元經何事解童烏。出筆驚傳李衛無。奕奕通眉原帝籍。觥觥橫目要凡夫。老禁卜夏頻投杖。痛徹商瞿正采蘇。湘芸前年甫喪長子而余嗣未立比復多疾 卻謝金吾舊張史。更誰筆陣示新圖。

范雲吉 泰亭 招同子貞伯涵暨趙沅青朱麋君李眉生

鹿榕諸子集慈仁寺分得知字

昔賢不見昆盧閣。此日風流又顧祠。人代升沈雙樹在。文

章得失幾心知。金戈跌宕空豪氣。翰墨飛騰好醉時。坐戀清光不歸去。寒山月月似峨眉。

子貞出示問重五日飲陶鳧翁宅詩屬和次韻

猿公禮樂成先造。到處題詩有豪韻。數番高會把樽政。一見枯懷得詩潤。今年節物百卉遒。有似余生厄楊閣。頗聞背面情相淡。獨荷齒牙芬不吝。微生萬念新羅塵。每飯孤懷鉅鹿陸。機緘曾見幾蹉跎。決裂徒傷數豪儁。人事天時閱屢暖。今情古道談誰信。可憐日日金馬門。虛想家家玉漿醞。好事嘉辰續縷絲。銜杯故老奇鬚鬢。獨依采漏聽宮壺。永憶朱方孳兒印。君詩光景甚勤惜。世事冥茫方激迅。老至條鷹氣轉雄。傷餘樾馬神能駭。但餘文字感蕭颯。尙欲鉛華稽倏瞬。注雅賤經未便休。凡將日夕還過詒。

卷九

激懷園看荷花再次子貞韻並呈沈少司農

子貞過詩沈少司農

曾來招飲及余過少農齋而子貞移樽他處不及走從明日得詩復步和云

樓脚昨宵新水進。湖東一雨添花韻。園池花事盛今年。水佩風裳劇妍潤。苑廬退直每獨居。高枕閑過重五閨。談邀直講情稍密。詩作漫郎語常吝。支離酒戶有杯杓。冷落詩壇無局陣。打門急遞日傾側。隔院驚傳客蒼僑。爭邀酒食似仙源。錯引神山又風信。蓬萊望隔幾高峯。籬落歸尋獨酸醞。想得花閒對盤礴。紅衣能記何郎鬢。洛浦淩波笑目成。華清滿月空心印。夜聞風雨更縱橫。曉抽花葉尤奇迅。東陽瘦骨亦清臞。左掖詩篇各華駿。我亦花前感舊人。鏡瀾污酒時疑瞬。晚蟬高柳謾相呼。鑿翠軒窗試重訊。關中張中丞在直時常過信宿鑿翠山房其所闢齋居也

與琴西步荷池上作

新荷山水高於人花開更出新荷頂園池繞屋萬荷花露
色風香慣消領上界仙人官府閒朝回清晏日花開樓居
晏退臨湖水獨對西峰數鬢翠

張少冢宰畫慈仁雙松寺中爲人竊去復作一幀有詩
次韻兼乞畫幅

猶有相翔身手閑夜來風雨走禪關重煩詩老霜毫健持
慰僧伽雪壁慳古屋濤音檐鳳語虛堂雲氣鉢龍還通靈
未惜成佳話更乞蟠胸九華山

挽陶鳧薌侍郎文

綺陌芳筵對舉尊高歌青眼幾人存勝流袁趙會親見舊
事乾嘉每細論夢底金戈猶霍召花前璧月耐黃昏遙知

卷九

十一

紅豆邨前唱定有哀絲撥斷魂

六月十二日穎叔招集同人作山谷生日奉詩龕像分

得鄉字

炎官火線卓午張街頭襍穢汗流漿風櫺雪屋焚清香降
神爲視分甯黃詩龕一像何堂堂豐容睟面凝冠裳知公
戎浩詩益昌乃以道味腴剛腸主人耽詩雲錦章閉門說
得肘後方千秋一室神洋洋歐蘇近例集賓眾愧我不
臨川王宜州一水隣吾鄉荆蕪戍樓狐豕場農夫輟耒挾
弓矢天弧何日收封狼老人榕根昔葦杭荔蕉祠廟空相
望安得煙塵埽遐荒溶溪修水偕清涼吁嗟榕溪脩水偕
清涼束腰誰作秘省郎

歐公生日同白蘭巖祠部奉滁州遺像集慈仁寺是日

會者壽陽師及詩舫丈滌翁子貞潤臣繡山穎叔凡
九人分得哉字時伯涵以病不至滌翁將赴河上行
有日矣

新秋一雨足蘭若氣佳哉四年直承明壽歐筵幾開香火
潮因緣杖履欣且陪於人見歐陽豈獨蘇與梅繡昔翁守
滌四十未衰蹟藉非明逸輩詎得投幽能今日覩遺容清
曠而豐懸斯文本金玉磨礪益燦濯何況彼汙黷如日月
翳霾夕陽在山閒顧影樂裴回千載猶一堂公乎不余哈
維子濫簪豪憂時本非才黯沒就無聞從至者與船旣傷
逝水流復感行騎催誰歎撫雙松能不思徂徠謂陶丈也
香新喪也
時張侍郎畫寺
中雙松有詩他日中書石懷人燭花摧

送少蘭出都

卷九

七

秋氣煥先覺中含離別聲幾人敦夙昔百感集平生愧我
當兄事知君勞宦情男兒好身手那得畏長征
昔別星沙路今爲佐郡良烽塵尙吳楚戰士幾熊湘往事
懷飛將茲行擬漫郎更誰憐病馬驥足望騰驤

滌甫文分得賁字壽陽師復同其韻爲詩見示謹復次

和

昌黎文爲詩辭質明如話廬陵數韓文詩亦資雄快篠驂
與虬戶窮屈良所戒文辭以義勝師直乃不敗後來眉山
才縱欲天宇隘黃王稍窮變往往得險怪橫流惜裕之追
逐力未懈自茲觀海盡瀾泉各泮泮豈如他潢汙盈涸罕
源派少學慕歐陽嘉辰一尊介千年文物身金石恒不壞
由來不朽立功德人同拜當筵竊闕韻旗鼓敢封界善歌

當反和中道愧先畫平生期文流才略遜開邁况乎韓范
心時緇力還憊獨慚文又弱望道發深喟精勤看宗老日
進爲山簣

題畫冊絕句

春來桃柳遍山村秋水芙蓉淺淡痕記得江南好桑落夜
帆明月泊蘆根

人生只住吳城好一舸樵青待幾時他日湖陰雲萬疊柳
邊門鑰有誰知

奉送滌甫七丈出都感賦四首

會稽天東南鏡水何渟澂山川自城郭禹穴神幽憑自昔
霸中原棲山甲楯興餘風所鬱勃其人必嶮峻王劉起眞
儒道術如引繩百年旣衰歇古澤惜馮淩幼聞置鄴言舊

卷九

三

德多髦蒸生年背鄉井懷土意何勝游宦自京都邸祠謁
嘗烝丈人風貌殊抱德獨兢兢采奠幸隨肩執恭同降升
退言及道菀顧我羞鴛乘姻姪載攀連激揚多友朋以茲
重邇密俗流或旁憎誰知恩誼閒術業無淄澠離合十餘
年所期兼勗懲挈持困相將誘掖狂曷承平生鄉里兒置
腸猶炭冰况爲白壁汙何以尤集蠅老大益孤危中衰百
無能餘生賴師友感激氣爲增僑鄉烽火偏邱壟旣弗登
言念玉鏡鬢何時買池淺我識丈人意百年初志仍宦遊
各帆楫豈得事畦塍惻愴畏臨歧客窗懷翦燈艱哉罕回
氣矧我典型曾

聖學本一源其流爲派分光輝生篤實鬱泄鍾斯文往籍
在詩書中古所述論薪盡而火傳匪時胡知聞坑燔慨秦

餘齊魯何斤斤當其抱遺闕執爭事鬪輟眾說漸修備殘
叢亦紛紜大師要折衷異說斷其禁鈴言不就邪羣統貴
一尊文詞盛標季六代迷荆榛墜緒何茫茫有責思脊倫
千秋如晤對理得存其神自維六經來一綫懼淪埋文行
由本立貫一詣誰臻吾生悔厄學懵然心與身惟於文字
閒溺好自賤貧懷哉世通流老事如斲輪薄材謹繩墨工
辱匠之門先生早學道夙夜惟精勤往昔講師律蒼頭成
異軍多兵乃益善風雲莽驅屯賤子惜望洋秋河笑瀾翻
精亡又多患所最能固存百川孰尾閭一洗河江渾

道我既同趣追行常弗及豈無或參錯疑義不苟襲惟茲
揀世懷志合本如翁丈人年耆邁所用未百十往聞樞府
遊天綽顏辭輯我峩冠鐵柱執簡班心立國事正苦兵家

卷九

傳本爲邑艱難二三策臣學唯所習驅馬去復來時艱思
蓼集材良亟薦達遺闕恒補拾宣室一席前嘉謨進鮮粒
如石多所投白晷必有人彼猥或顧笑爲道宜感泣賤子
媿後來回谿甘羽戢九重舊巢痕灑埽燕新蟄退閑時造
請德貌屢珍抱陽和寒可曝河潤渴思澗云胡茲河梁不
得久維繫丈人老愈壯慷慨就原隰 帝簡會超除人倫
資引汲何論淇園竹忍就龍山藪

春陽百卉榮松柏獨寒歲借非輪困姿冰雪早凋敝頗聞
少小年湖海屢羈滯中更歷艱窶磨淬轉新銳將老況鰥
獨天心一何厲親知咸慨歎我亦聞思涕夫何有道心履
約守真契人言或假道是豈能強制用力久勤劬居然化
災沴麋稗返充盜疏布適餐衛夜光明珠生晚節滋芳桂

槐庭詎旋植蘭晚知方菘嗟余小子凶中材遭末世孤行
多弗合先澤矧能繼豈惟少培植抑恐積乖戾家室再經
營積然祇匏繫功名早自斷門戶惜將替比尤蒲柳衰薄
景一官曳天游困六鑿往往百思憩昨聞丈人言吉夢若
眞偈天地一飛蓬人心爲之軼浩然中有執四達致何泥
果然內景徹定免末途蹶以茲周行邁天衢安有際矯首
望車塵傷離欲霑袂雞棲復雞棲已矣吾何稅

與馮魯川夜話

不堪淚雨灑秋槐會共元亭問字來難得酒腸支磊砢強
將詩句撥寒灰漢廷詎合馮唐老荆土能消王粲哀衡宇
未遙楸局在幾人短燭會深盃

寄挽楊芝樵丈同霞舫作

卷九

五

五陵同學遍戎鈴車笠江湖每滯淹歸老一厘纔託足交
遊四海盡知髻南州風義思徐孺東國文章起謝瞻千里
神交猶隔面天涯野哭淚頻霑

贈陳抱潛來都

西風落葉動長安客子重逢衣袂寒小劫塵沙渾異世中
年哀樂幾更端秋心黯黯搖霜笛夜色昏昏墮月丸忽憶
勾陳炤元武酒邊時拂劍花看

題符南樵半畝園訂詩圖

詩卽正雅集繼長洲沈氏別裁集而起者蒙名與焉

風流不見沈尙書符子聲名願豈虛桃李春園能愛客江
湖夜雨獨愁子奇功異代如收豁濫籍庾詞比綴襦十載
辛勞徧階溷挂名論定愧何如

虛谷來宿舫齋夜話疊贈抱潛韻

漫勞相見問輕安十笏荒齋對語寒散亂天花猶有跡飄
零風柳竟無端堪驚舊事隨流水剩把新詩似彈丸涵碧
樓頭夜燈火蕭疎塵鬢忍重看

魯川見題拙詩詞意甚美次韻奉酬

聞道并州亦枕戈歸來陞楮意如何祇今名士隆中盡自
昔行軍滿上多晚節冰霜憐素侶幾時江海息昏波廣陵
未絕人間世獨對空齋擊節歌

奉送嚴仙舫通政 正其 乞疾歸辰州

湖海聲名四十年晚歸導引望疑仙龔黃世績流人口吳
楚軍聲夢枕邊戎馬勦勞期後輩鄉閭耆舊續前賢獨令
窮蒼希車轍臨水登山倍黯然

琴西邀同穎叔招集沈朗亭少司農張怡琴翰林諸君

卷九

作放翁生日於琴西直廬

六

人生墮地蓬與桑丈夫有志何堂堂老翁九十鏡水旁行
吟日夕悲寒醬平生聲名動明光從戎南鄭四十強軍中
夜宴酒樂張金釵銀燭列兩旁邊城行烽照益梁醉來躍
馬南山岡便當行策收咸陽關門下瞰清濁漳平趨上黨
踏太行中原日落天蒼黃惜哉此志空旁皇晚遊錦城郭
酒香碧雞坊頭花海棠蜀女一笑三千鴈頽然此志猶欲
將西興鼓樂秋宵長角巾翩翩成老蒼祇餘萬首詩飛揚
我家與翁同井鄉歸尋耶溪病在牀丈夫未死何疾疴惟
車獨出差郎當羣公簪毫列玉堂一樽拜爵修冠裳開門
木落天雨霜靈兮仿佛雲中翔河山滿目生蒼涼江頭鼙
鼓聲猶鏗翁乎此志詎可忘

奉題詠我樞相樞垣趨直圖往爲光祿少卿時作也圖
有記乃典學閩中作

金蓮學士舊聲名青紫班頭早列卿今日璣衡調玉燭一
星龍尾特分明

緋衣先插侍中貂五夜金門最早朝猶有昇平傳故事尙
方珍賚閩勤勞

待捷甘泉夜嚮晨燈簾重展畫圖親春風第一螭頭影會
夢觚棧向海濱

慘慄清霜曳玉珂槐衙風景近如何樓枕笑倚詩情在日
日西山爽氣多

流園直廬所居爲拱宸樓公贈
楹聯有山翠滿窗人倚樓句

大雪志喜兼聞鎮江瓜洲之捷

兩年不見臘前雪千里猶傳江上烽東谷昨朝嚴合作西

卷九

七

清連夕捷書同瓊瑤布地 皇穹福虎豹當關一將功會

滌江流淨鯨窟吳兒錢鋪盡銷戎

偶書贈虛谷

東閣曾同曳屐穿尊前豪氣鬪狂顛選人意興何蕭瑟詞
客風流苦靜專羈旅攜家傷亂後煙霞餘痼泥吟邊力難
振子吾衰爾得酒他時憶鄭虔

讀怡志堂初編

捫羅文字五千卷馳逐名場三十年歌曲祇憐風格老交
遊誰得道心堅休譚戎馬心徒熱但說雲龍意自便卻笑
李侯誇越雪一編主客貌先賢

讀魯川近詩奉題

曾祠流水如碧玉持比君詩清似無卻愧荒坡蕃草木任

思奇觀接江湖寒天急景憐窮鳥篆刻雕蟲悔壯夫開拓
雄文更誰向儵然長憶舊瓊廬

卷九

龍壁山房詩集卷一

已未集詩 戊午巳未

馬平王拯定甫

歸自潞河科爾沁王軍幕詠我相國贈詩次韻奉酬

秋風灞岸客歸來海嶼頑雲喜暫開藩翰陳師思采芑機

衡持國望調梅早朝有句憐新詠相國出示新刻松風閣丁巳年詩橫海

何人想異才長媿書生負戎馬東南諸將起雲臺時吳楚諸軍數

捷

代人題和碩惠親王受印圖次自題韻

威命前驅獲兩肩河北肅清林鳳祥李開芳兩賊首生致闕下中軍詩禮屬王

賢周家碩輔勤三握漢室神謨懍百全玉檢依然歸福地

印本藏 皇史宬今仍奉歸金甌何處舞刑天披圖河朔先聲在傾耳

東南露布傳

卷十

王以錫 嘗在巡防屬題卷尾再次前韻應教

赤烏丹心勵永肩靈符自昔倚親賢奉命大將軍印為我

多爾袞以入關者定鼎以來未數授人禡牙九日霜旌健參贊科爾沁王

京旗及蒙古兵出都門凱樂三霄繡斧全築版煙塵收北地夾江金

鼓震南天休言從事多微淺圖畫還明姓字傳

琴西外轉安慶守飲拱辰樓卽贈

萬蠲聲裏一樓孤樓影花光倒入湖獨客柳陰還繫馬截

人天際又分符皖公山色煙塵暗丹泝雲陰歲月徂門外

翠蛾知別否聊將尊酒對烏烏

王子懷少司馬茂蔭請疾奉贈

風簾官燭共蕭騷道光甲辰同事外簾一擢臺垣地望高獨抱憂危

幾 聖主欲將薦蓬蓬盡蒸髦柴車牝馬心偏蕪素髮青雲

首重搔漫倚畦唼一長劍黃山白嶽尙同袍

過食筍齋再贈琴西

黃山老子早飛仙獨樂園樓杜曲偏長嘯仰天君又去幽
篁出地客誰憐秋風履迹蒼苔滿夜月詩情碧落縣退食
從今歸掩臥孤雲落日想茫然

碧雲寺

驅車過三山寶剎得初境寺門窈而曲龍口水泉歎松枯
蔽精藍人天逞華靚浮圖湧山腹玉立百重頂茲地本天
成迴環互岡嶺如何貂璫污于魏骨灰冷遠眺旣高明幽
探卽深靜靈源破山腋瀏液若漿酪槃池幾滄瀆犖硯再
激騁夜宿就僧寮風泉鎮悽哽毋將邱壑戀悲響發新警
出處歎何常濁清要殊秉不觀彼腴削至德乃除屏

香山諸寺

卷十

二

向皆禁地自道光朝屏棄遂掌寺僧凡聖本同域何方不清景江湖念平生

一燈記龕影

臥佛寺

天光發山淥翠湧海日瞰澹收朝霞色爛奪夕照痕幽人
先烏輿策馬度山村高尋窳堵波淨悅杪樞根誰歟倦津
梁被衲長曲肱不知幾人代顛倒亡精魂想彼倦游意瞑
目爲昏昏朽木質已廢堅金道何存峭石立後壁清溪導
前源煙嵐一迴薄妍潤被欄蓀蜩語弄秋絲篠風動晨幡
歸鞍辭佛臥我夢猶塵樊廿載住京華山靈笑庭垣躋遊
必迴駕長媿鶴與蝦

壽陽師命題食筍齋圖敬步原韻同琴西作

西域列城收一笥東壁仙雲張五朵羣仙官府日從容暇

或參禪兼癖左激懷 賜廬池館清中有幽篁人獸坐百
年靈簡留餘債合座貧風辟塵堞自從此地爲傳鉢日對
星堂念歸躬世事浮雲變白衣年時苑闋開青瑣孫郎儼
直修筠節賤子來過傷絮果圖畫欣同綠野開夢魂又感
滄江墮平生未及元獻遊猶幸坡饗識饒可甘泉夜捷書
頻至來復天心祝旋輟異時儻問竹閒誰舊事定求門外
我

慈仁寺四柏槐詩步壽陽師韻

慈仁雙松傳自昔化身今作龍彫三當時鱗爪問誰見旁
有翠柏槐疎藍柏槐端莊偉丈夫問年髣髴齊老叟看松
有客日來往古貌鬱鬱無稱談巍峩直翰碧雲上蕭瑟美
蔭清飈舍世人榮觀競桃李華豔炫鸞材豈堪壽陽退相

卷十

三

獨愛惜頻來拂拭歌乘酣柏槐自此張去聲圖畫離立鬢鬢

飄璫珍冠劍莊嚴古尊宿世祿後起三松慚東園角里本

寂寞漢殿不招情所甘疾風落葉天東南懸瓠大捷行飛

驂時平鎮物要耆德一灑壑欲銷陵貪柏乎槐乎國有式

我分瓠落棲飄庵寓廬有古瘦槐

寺中有張詩船侍郎畫雙松圖亡之久矣侍郎又補畫

之同子貞與壽陽師倡和柏槐詩俱懸之壁復爲偷

兒捲去壽陽和詩及此因疊前韻

吾聞飛仙妙手祇一擊有道那可容再三山僧癖痴不謂

疥重爲素壁悽迦藍雙松之圖法華筆柏槐又貌鏗輿酌

猿公作字乃猿臂大書奇句多雄談戒公拈花胡不戒旁

有匿笑情先含虛壁懷藏慢豈敢周禾刈取頻能堪漫徧

亭長久遊息松風坐愛龍吟酣引閑老鶴忽飛去零落片羽霜毛瑱老僧出迎卻睨壁瑟縮未語知神慚古來名跡恒賺奪通靈書畫一笑甘北山之北南山南象王立教遺駢驂探囊拮篋且清晝正擬剖折恣狂貪妙書名畫出手無盡藏葺惜淋漓水墨遍汗松花菴

八月廿一日瀟山偕穎叔招陪壽陽師相集慈仁寺分得盛字時戒公新構見山閣落成是日漁洋生日也高臺墮落牲毳窟山人發願勤奮捐朝來一角見西山送與詩人豁塵目明窻淨几凌虛空俯視城郭煙濛濛雖非平地起九切要自艱難瓴甓一一同愚公九天樓閣華嚴迴彈指天龍見情性古來寒餓多苦心開代詞宗獨華盛壽陽相公今斗魁避賢無地築樓臺箕張角觸自生世獨

卷十

四

與山僧尋草萊

歐齋夜讀歐詩有作

一誦明妃曲古音世所希紛紛顛倒耳目事何用萬里夷狄爲再讀平戎操我心更悽惻當時有事獨無用有策胡爲匿不出滁山高高滁水湯湯琅琊尺幅懸中堂翁時年厘四十強一麾乃在山水鄉魏我節概雄文章我今年亦踰強仕位業蕭然媿當世多生文字只情溺二頃桑麻間誰置憶昔單車諭蜀行相如作檄悔論兵秋風灞岸重迴馬壯士有懷空請纓門前花葉宮湖滿日夕香風清露漑五年金馬日棲遲抱葉寒蟬意蕭散秋聲夜起湖陰曲一炷鑪香還夜讀何當歸買訾洲田鷓鴣聲中閒叱犢

葉潤臣索題錢南園御史畫馬遺筆

丹青曹霸世不聞太行鹽車折蘭筋南園先生古烈士畫
馬畫骨筆有神老樹千年繫作椿虬墮赭白疑堵牆平生
幾許英雄淚隼立三山烏啄瘡顧影雙駒忽驚寵肉鬣窟
窟連錢動楊柳春風齧鬣閒玉勒金鞍想飛鞋先生畫馬
非是馬瀟痕釵腳俱心畫朔風吹裂仗歸時骨慄青蒲赤
墀下傳聞先生因和珅言以本官御史直軍機處每且朔風嚴寒而先生清貧衣裘甚薄實坐病焉

立秋後三日集慈仁寺次壽陽師韻時子懷丈新請疾
琴西行有日矣

積雨散殘暑新陽曠濶塗幸逢沐居暇官使遊興孤僧院
本寂寥佚老宜康娛高賢每貞疾標運孰良圖茲地歷前
朝當時寓魁殊數從簪裾集重感歲月驅文藻枉自矜志
業惜且淪微生笑頽唐思欲長趨嚮征鳥又霄雯浮塵悲

卷十

五

市衢時方廩霜雪分豈判姝濡誰能座閒釣對食懷江鱸
重九日沈少司農招飲直廬賦謝是司農生之日王月

川觀察自津來也

玉清池館苑林隈上客停驄亦壯哉華嶽星辰歸冊府司農

曾視學秦隴收藏碑帖最多淮安鷄犬住蓬萊高詞幾見鄒枚侶寬禮

深慚屈宋才同官戶曹何處登臨更魏迴五雲多處接三

臺

寄何根雲宮保兩江

先朝供奉謫仙人三十卿曹冠絕倫江海一麾雄節度東

南全壁重經綸春風鱸舫飛天上夜雨鯁鯁泣水濱未解

戎機隨魏絳鈴齋空憶二毛新時星使赴滬瀆者欲牌同行未能往也

答子懷少司馬見酬原韻

從來天性出風騷一譜陽春自調高異日文章徵諫草
當時衣馬笑英髦幽憂有癖憐塵俗夙疾無端本蚿搔我亦
江鄉美鱸膾十年惆悵對青袍

杜黼庭孝廉

詩册

出示詩草

君家才調古無情爲有凌雲載酒遊世事鶯花還鄂曲人
生風月幾揚州天涯羈旅聊相慰鄉國煙塵苦未休我已
鬢絲禪榻倦論兵談梨愧風流

奉和壽陽師相登慈仁寺見山閣元韻

我生不見毘盧閣小築憑高喜見山人代白鷺雙樹老僧
迦獨覺百年閒深林返景能相照絕壁青雲好共攀門巷
雪晴車跡隱甍來陪從惜塵顏

寒夜讀端木子疇孝廉

琰詩卷題贈

卷十

六

庭宇蕭條積雪明小窗爐火坐深更百年素業歸文史五
夜餘光戀燭檠每誦南陔生涕淚底須東郭負聲名遊塵
莫問平津館彭戴門高四海輕

繡山同年招同朝鮮李亦梅暨潤臣魯川譙集韓齋出

觀戴醮士侍郎

照

畫寄山水小冊分得墨字

婁東之筆南田墨近百年來好風格遠緘小紙寄京華歎
絕當筵海東客念昔南齋供奉時嬾嬾列屋盡蛾眉江海
風塵累宵盱湖山天放此盤嬉

奉寄桂林勞星階中丞

崇光

一從星火度崑崙繡虎璋牙老玉門嶺海六州推士燮風
雲一榻笑陳蕃伏波舊宇山蹊固畏壘他年俎豆繁誰爲
小邗愁寡弱殘軀探轂是雄藩

坡仙生日邀同人集舫齋

急景寒天欲歲除爲先生壽亦相娛心香瓣祝如公在腰
箭風流定我須磨竭當時關世運騎麟何處覓神居惠州
禪室曾相訪丈室天花笑未除

謁壽陽師值消寒小集出示道光朝 御賜仇英畫梅

花書屋卷分得也字

昔觀營邱圖神往孤山下異代擅丹青山郵妙摸寫長纖
展厯落古色致妍雅人物劇清華川原紛豁閭連山引叢
薄曲隄分秀野松篁濃染黛楓柏豔施赭竹閣跨溪來蘋
波絕除瀉水邊疎影雜籬落橫枝冶伊誰坐窗櫺想合置
杯竿蕩浚響幽瀑香靄浮寒瓦花香忽髣髴雪意定飛灑
畫師本吳趨茲境宜消者不然縱金碧那得劇媿姪侍從

卷十

七

記承平簪裾數恩報頽來石渠秘畱伴洛陽社急景百緣
除深廬一樽把婆娑尙京國躑躅每波若山林孰畏佳神
鬼厭魑鵠其間渾宜築欲置知誰假展謁茶串馨流觀燭
花炮後堂欣草具竟日忘塵堞州步話猶閑師於酒閒爲
述過九里洲
看梅江鄉夢殊惹多情懷范陸盛日宜枚賈玉雪尙連編
花事

題詩慚白也

煤鑪得炭字

我聞天地鑪造物陰陽炭綠何遭時艱倏已迫歲晏書堂
擁氊席布屋裂單幔伊誰陶家埴宛爾博山觀承天頤朵
輔據地鼎駢甑氣酸遂炙薰稜隅儼風岸名原范金貴體
比琢玉燦厥質乃塗污誰能善攻鍛織兒本中熱嫗母昔
下爨浮煙疑雲蒸投石驚雹散居然位執橐遠爾勢通燂

臍然嗚檠短面燦園瓜爛猊蹲耳又帖鶴眇目先亂炮琪
鍊獄興箸儼撥灰算神柄許炎炎鬼薪愁旦旦主人眉恐
急孤士背爲汗一朝防餓墮何物利金斷楸方惡客甯籠
復妖姬粲觀雷家屢曬畏火民能翫短景急呶嚙孤懷益
悲惋僵眠身任屈避蟄骨多悞乘風思煬窟雨雪分捐扇
所期長炬赫誰弗樂浪漫中宵商陸添獨起明星歎

臘粥限八字韻

世涂逆舟屹年序走車牽朋交晨宿零佛節霜風戛一官
樓帝里數口比僧剝頗傳七寶靈聊效雙弓軌天倉頡豆
麥官楮易茄桔甘和稷黍稻芬錯欖椒檉芡茗盡紛拏棗
榛頻剝刮滌新到七鬯辟惡用蘇菘寒泉宜汲鮮沸火愁
鳴蛩有時瓢飲一何事籛陳八盈甌雪花映合塵糴香滑

卷十

八

翻匙見晶瑩辨舌聞喫嚼飢甯虎視耽哽學駝鳴圓朵頤
嘲飯顆動指笑羹頡經文紛饘飽俗鄙腥膈何勞醪鼎
鯖大類祭淵懶翁嘗忘凌凍兒飮定娼媵疑竊脂藥煖
或謝貂猶慨時置餼糧爲患久貊獬練衣誰扇交榆屑獨
琴拏釜餉困鄉閭棚施慘癩痍食糜帝子駮纏齒酋王黠
蕪萋孰羹遺商陸少精刷繫余拙生謀與俗苦塵坵羅闈
憶窮薄佳設厭啣晰明朝買脂餼往事笑鞞帕安能長依
飯一飽竝塊北

郭筠仙翰林

嵩燾

將從科爾沁王備兵津門有贈

玉堂供奉盡翩翩賀老何緣識謫仙

筠仙以新城陳大司馬之薦故有是行

海上孫盧徒暴客禁中頗牧幾仁賢春寒甲帳千瓊雪日
暮丁沽萬井煙聞道王師高不戰想君橫吹意超然

再贈

隋珠荆玉致聯翩往事迴頭便若仙一去孫登愁我獨重
逢郭泰越時賢兵戈激宕都疑夢書劍飄零恐散煙我媿
賢王舊參佐從君無力駐蕭然

人日集韓齋晤朝鮮李君藕船自誦其句意頗倣儻因
足成詩卽席贈之

上日精廬對舉觴誦君佳句思蒼涼大開酒戶迎春氣高
擁書城送夕陽西邸風流自樽俎東洲人物獨冠裳天涯
握手勞相訊且莫騷吟惜鬢霜

壽陽師惠和前詩緇生孝廉亦有所作疊韻再示藕船
醉倒年年海客觴話深觴面不知涼停橈幾度經巫峽用
斯人李璠詞語坐井當時笑子陽千樹榆香清島服箕子教民樹
檢食葉見藕

卷十

九

知詩一龕梅影麗仙裳高麗築梅龕以供詩人吳蘭雪品
像號曰詩佛見香蘇山館集

題不數雞林客未負林邱老雪霜國中申紫霞能詩自題
香光書畫卷句云小藝一門關性與其子命準命衍合臨
命此中小隱常林邱壽陽稱之

藕船命酒自言十與賓貢行將不復來矣再贈此詩

鴨江春水碧于天十度行人載酒船無限夕陽還處處多

情芳草自年年勞生遲暮供多感上國委蛇盡風緣解得

河梁斷腸句雨絲風裏落花顛藕船渡鴨江句云無限夕
陽遲暮感有如春水欲歸

心又句云春水如天人
去也落花滿地獨悽然

奉題霞舫同年先甫蜀闈遺墨卷卽贈

寶墨扁緘歲月微越州書冊展重欵交遊似我真同澤世
路如君又拂衣楚國山川珍宰木蔣山風雨壯靈旗開身
乞得初心在好覓先盧舊釣磯

緇生持示所爲授視圖詩爲其子元作也次和

元朝得子誼言遲又見春燈上學時君子以元日生重喜

卅兮能受硯定知老子爲添詩世當標季思文武家有淵

源出父師隣舍長頭看老矣盪書珍重望生兒

聞翰臣凶耗殆數月矣愴痛不能爲詞豫章人來述其

卒後夫人殉之先成此律

紫陌看花及少年平登方岳未華顛交遊我豈當師曾温

飽誰能擬孝先戎馬峯崎偏世遇文章淹雅亦時賢玉樓

遺憾眞如海淚盡洪州又鮑仙

喜虛谷得新樂令並寄抱潛南皮

待詔東華玉貌時淋漓豪氣欲何之聯翩小縣栽花地牢

落清才噶月詞卓魯盛年俱茂宰漢唐遺教屬嘉師寒蟬

卷十

日抱宮槐影笑殺黃綾夢一池

送李申臬禮部榕奉檄會侍郎軍子懷席間作

湘鄉司馬出羣雄義旅親提七載中天下安危幾人在日

邊談笑昔時同遠聞倒屣求王粲近接開樽愛孔融到處

河陽盛戎幕宮僚愁寂酒徒空

禮部分枝次聚奎堂壁間韻

鎖閣同舍拜恩深林穎叔程覃叔兩君奎壁當年

玉趾臨乾降閣御幸貢院有日下參辰齊在列同考中

直書房者籍誅院者春來桃杏又成林中天文物風斯盛

隔歲軍書夢易沈去年與考差日奉派隨廿載褐衣塵土

在官簾風燭倚驚心

分校將畢靜俟揭曉偶成二律示諸同人

東風料峭沍春寒鎖院沈沈春易闌洞口桃花應自笑牆
根榆莢忍重看鬼車嘲哢驚隣舍所居簾舍聞向有異僕
輩輒夜數驚禁之乃已
官韭青葱戀食盤爆竹溼薪吾厭早夜牀譚藝夢都官

慘綠荷衣問塾師長安新榜萬人知尋常言語思先輩
倒芳華悵後時一代文章懷潁洛百年霖雨祝龜著時望
雨甚

詰朝綾餅須歸遺詫與他年脫襁兒

獨山莫子偲

友芝

年五十矣來試禮部僕聞中得其卷

見其經策清澗斷爲宿土惜薦未售也撤闈來見攜
示所著邵亭詩集長句贈之

黔溪萬里出群柯三十年來老策科得意漫夸花紫陌論
才直合草金坡劉蕢風義還師友李廌文章未謬訛呼起
九原蓮博士買羊沽酒柰君何謂吳蘭雪君辛卯
鄉舉房薦主也

卷十

二

陳凝甫試禮部卷在余房亦薦而遺於額榜發未及相
見杜君黼庭來道其歸因寄此詩黼庭與亡友彭子
穆者皆與君夙好也

彭鏗解脫最酸辛杜曲何人獻賦新常恐風塵孤薛燭詎
聞騏驥失方甄孤筇落照仍千里老屋荒江又幾人夜半
陰符重發篋天門詆蕩好騰身

子偲奉所爲詩執再傳弟子禮謁壽陽師師贈以詩兼
寄遵義鄭珍子尹子偲次韻奉酬竊亦效顰

談詩癖愛後山陳箴引韓黃有逮津底事文章關世運從
來警歎發天真高名詎合稱羅隱僻學還聞竝尹珍我本
荒莊愁犖确終南嵩華始移人

劇筍高齋舊迹陳大方落落幾知津清時北學風流盛獨

力南能氣誼真浩蕩江河流孰挽摧殘兵燹道彌珍郢亭
寂寞饒老奇宇當時問幾人

筠仙來自沽營畱飲時科爾沁王津沽擊夷大捷也

漫將拓落侈交遊老屋空庭竹樹幽君昨寄詩有王子富交遊所得必奇偉之

向世事茫茫原對奕人生落落幾浮漚從軍佳句思王粲

橫海高名起稔倏駐馬銜杯須盡飲那堪懷抱向山邱時聞

芝房新死

董梓亭吏部作模以凌山策騎圖索題卽贈

越女相逢錦瑟旁經過孔李漸華蒼崎崑世路憑誰料歷
落身名歎子強萬里天山疑夢寐百年人海問行藏王師
渤海傳新捷可憶當時短後裝

九日請壽陽師子懷丈湘芸穎叔孔繡山玉雙兄弟莫

卷十

子偲孝廉謙集大慈仁寺步壽陽韻

一樽何必問黃花座客風流抵孟嘉菊徑漫憐秋色晚松

關常愛夕陽斜高巖深谷畱銘迹繡山攜所藏漢循吏洛陽合王稚子石闕拓本

請壽陽黑水紅厓話積沙子偲時作紅厓碑詩以碑爲禹貢導黑水故蹟謂盤江是黑水

題字發源據漢書註黑水神祠爲謫余甚題之愁對山僧遺斷偈登臨隨處足巖涯

寺僧戒學新化往嘗爲偈

子於壁書陽爲足成之
子偲孝廉和詩觸掘我懷適壽陽師亦示疊韻見酬之

作因復次和時聞桂林警報城守危甚

鄉園秋滿一籬花勝日清遊似永嘉萬里歸尋牙纛側廿

年虛負角巾斜遼空望斷孤鴻影撲地驚迷短軼沙淮浦

烽塵絕渦澮辰山癸水又濱涯

至日邀林笏邨太守鴻年及子貞陪壽陽師集松筠菴

崢嶸歲月忽相催，雪意風高勒復回。愁見五雲曾獻物，驚傳六琯遽飛灰。文章滄海知誰在，天地冰霜獨我來。猶有禁寒松竹意，鄉心愁問嶺頭梅。

直廬待雪未成，奉懷頴叔侍御，新自樞垣擢臺諫也。晨朝喜見同雲，合日暮空愁集。霰飛翠袖，許教千喚出。紅巾還解十重圍。幾年秋被親同舍。今夕篝燈獨掩扉。驄馬街頭行步好，空林孤鶴亂鴉歸。

聞葉潤臣觀察宦歿杭州

橋南老屋數經過，一別黃鱸渺逝波。四海彥遊還問訊，百年喬木足悲歌。鶴鴿原上愁真絕，鸚鵡洲荒恨若何。明聖湖邊好埋骨，孤山應愛石盤陀。

楊性農書來屬訪子偲消息，卻寄

卷十

三

楊侯家本桃源近，一過津橋遂挂冠。退賊當時擬黃憲，論交何處得方干。洛鐘霜應尋聲易，郢曲風高屬和難。惟有修文幾豪快，二龍淵畔涕沈瀾。

直廬獨夜

掖廬如水傍層霄，獵獵霜風送晚潮。孤吏守窗人寂寞，亂鴉翻樹語啁啾。坐看涼月移階影，問似空山臥擔樵。飽食官廚行負手，料應雙鬢日凋蕭。

壽陽師相示與常熟翁遂盒相國酬唱諸篇賦呈一首

次卷中粉餈韻

卅九已龍鍾，五十矧又半。賤齒今年四十有五百年遽斜莫，昔賢早驚歎。迴思少小時，歲月幾堪玩。因循日卑老，精力坐亡散。城南兩斷輪，老作神仙伴。眼中平世事，今古閱昏旦。

先皇奏雲門當日竝香案退休倡復和風雅秩不亂壽陽
本師門廿載親激盥常熟司農長昔役請得綏遂倉相國

派往涇濱會辦稅則以辭逸免頗聞古誼敦忠亮日月貫時艱百事棘隱

忍就衰懷歲寒雪霰極閉戶熾鱸炭幾時鼓陽橐宇宙一
遠館鰥生更龕疎眠窆夜不暝相看媿典型體弱仲宣案

子儂惠題拙詩一首次韻奉謝

仕學日蹉跎規爲早摧放微生感霜枿長路入煙莽孤聞
昔堦拘晚景復道長風期從兀傲文字職漫漉風聞道之
門譬若息在襁測蠡雖有見捫燭欲誰仰冥行知撻塗變
節敢嗜饗五年違省郎萬里馳戎鞅嬖嬰紛捷足貪黠盡
高掌迂生能百一弱去又三兩比年師友黠謝者多棲棲行蟄閉默
默孰瘴瘴君文昨冥搜相得儼同炕何期締香火無計脫

卷十

古

塵埃造門對欲欺延座色慨慷彼時師何說如子我所做

高門遂鴻軒謂壽陽師羣彥各鳳想南齋諸公頓忘翻鳥曳欲

奮鱗魚上末俗悵依違知交愛諍讜坐言將起試持論媿

虛枉毋爲貢父譏猶憶學齋曩

擬古

客從故鄉來道我故鄉事聽客語未終悲傷淚盈背憶從
我雙髻鄉閭正平世薦紳屢世澤農畝百困積令尉好客
臨家家喜迎伺歲時相慶勞酒肉頗薰熾迴首二十年遭
時大顛悴還思俗忠厚遑咎苦輕侈車馬重來歸荒邨起
蛇彘川原始媿負城邑漸高幟將帥弗調良耜稷轉兇肆
吾謀多弗遂戎幕媿身廁黃金北斗高秦賊最奇思衣裳
餘倒顛陵谷乃更置昔日富家郎流亡僅衰穉潭潭節府

重遺構穴精魅閉閤尋瓦礫蓬稗溢寰肆穰穰少子遺纍纍但枯甃哀哉我與客飄流各名利艱難少至壯所歷詎料是

東南厭兵革厥孽肇邊鄙鄙人昔椎樸官至縮如蝟馘法自貪夫貪綠墨胥起交征馴攘奪盜賊遂圍視瘡痍重股削荒落任狐豕橫野數輕客常時本隣思一朝羣帕首輒暴及州里邨墟尙團結城邑動破徙吾郡夙雄軍健兒多敢死何時徵調竭居又乏儲峙年來數強搆蹴踏萬蜂蟻象邕十餘城城盡如燬礮雨晝煙昏長蛟跋江水頗聞童汪踣裏革不旋趾可憐彼官司畏匿面如紙由來坐此輩養惡致興痛不然金田村賊膽何由肆

講舍羅池上我昔曾釣遊馬矢壓花宮能毋鬼神愁赳赳

卷十

五

百夫雄本昔揭竿流誰令虎而冠招來鷲在韝其眾羅千百猙獍擁貔貅有時頗擊賊媿我羣兇鏊城闕使居閒解之乏良籌飽附饑食人若能身束修橐藏既罄如能弗事賂隸東家翁頭白西家兒鬢髻牽來各閉置嗒若魚中鉤翁弗禁榜掠昨宵赴冥幽兒金未當贖夜已充衾裯哀哉兒高門父母所喚咻翁昔爲孫子飯蔬冬無裘牀頭窶黃金身死還見按園池幾營構棋節爲薪樞官吏過弗聞薦紳忍其羞但令甲授牌敢惜瘡暴溝君門高九重倉猝誰之謀時變事多殊瑣屑焉敢讎

從來城守堅賊恨必大至萬死與城存而城竟亡矣吁嗟我江城高牙夙嚴衛如何兩渠間骨髮委墳積傳聞方絕食官民相泣誓樞馬夜悲鳴青煙起寒吹烹魚雀鼠盡徹

革煮相遺皮骨慘雷飢析炊供喂飼樵蘇日月斷井汲又
枯隧咄哉背城師朝食忽誰絕衝鋒努力羣醜輒奔避
如何師徒出望援空裂昔平時擁牙蠱誰歟彼置帥危亡
眾所屬望望全軍逝朝廷高爵級專闕所付寄豈惟弗趨
救直忍自拋棄十年用兵來師律孰先做人思參肉餐我
欲寮尸肆

老夫亡其妻窮嫠又失子常時繫心骨宛轉相棄委玉雪
誰家兒竄身荆棘裏天明迷道路霜雪慘肌體道逢佩犢
人顧盼忽生喜呼兒子生馬顧使執鞭筆弱者遺草間強
斯逐韃弭飢腸肝人肉變作虎狼子朝聞破官軍十百踏
其壘暮夷何城闕屠割到嬰姦男兒少方壯猛氣敵虎兕
強梁習童僭暗啞孰當抵可憐州家軍疲老日轉徙經年
缺糧糈骨立久銷髓殘軀不能戰剽掠又輕駛問軍胡爲
然求緩須臾耳饑寒與禦敵作計乃均死誰能如楚尹戮
一貫三耳

左藏早虧竭拮據到關樞國中又四郊持竿盡握甌江湖
久乾旱災祲又螟蠓去年履畝餘箕斂又今作軍中賁轉
運官豈爲囊橐富貧貧者死骨血任敲斲敲斲何敢言斯
民甚忠慤誰知剜心肉爾乃事酒樂玉貌錦衣郎金鞍騎
六駿金張本家世光彩甚卓犖清晨謁中軍晚出大歡噓
第聞前軍捷籌運秘帷幕明燈宴如灑號令走雷雹歸來
百阿殿計日有佳擢小人幸葭苧茹拔盡優渥歌兒頭錦
纏揮斥罄山嶽吾軍蟻生甲菜色忍桑蠹而官計鏹銖相
對情殊邈羣饑走何之鋌鹿能反角足寒傷人心朝涉何

勞新

曲突本無功焦頭亦何爲軍行有僚屬忼慷當軍諮玉帳
罷朝參疏頭筆如飛賢王朝面縛京觀夜陳尸傷足者先
登洵呼盛前麾餼糧與書檄艱險各追隨或爵關內侯或
資羽林兒或榮施紫貂或貴曳金龜君恩誠浩蕩王言出
如絲軍中相慶樂悠然執冰嬉豈無關中將草間曾失遺
匈奴恨未滅臨觴覆其卮別將向賊中艱難棘榛披銜枚
走深雪中夜賊壘剿數戰沒前茅先行亡健兒誰令失轉
餽又不得援師刈芻斲其根飲馬溺爲糜經歲頓重圍殘
軍坐失期何如棘門將有酒斟酌之不聞從軍樂但問所
從誰

旌頭百丈雄帥節青雲高驍奇本偏將枉使牙纛豪朝官

卷十

七

走相謁投筆盡班超關茸大藩吏轉面還相朝帳前別將
軍出入帶弓刀位尊命乃重深拱日逍遙計從再起躡意
氣凌嵩喬軍中日佳氣樓閣出蜃蛟陋哉諸侯壁日飲投
河醪艱難事版築會不得嫖姚日暮落旗門中軍夜寂寥
明燈亂銀燭帳底曳紅綃起起王渾邪書至願屬僚輸誠
又夜郎景附不待招龍鱗與鳳翼翁胥盡金貂亦有窮途
士來歸藪遺逃趨承片語合薰沐不崇朝果懷左車策同
建衛霍勞大功方築第安論百石椒哀哉上東門長嘯凌
衝巖織兒生白眼感歎過津橋

人生皆有死鴻毛或泰山男兒馬革尸爭似活草間壯哉
勇盤腸烈或碎首頑舌殘猶罵厲咽絕更心堅豈無巾幗
雄裙褶纒相連亦有興臺義頭顱同血濺大節矢成忠培

滋由百年柰何有科格往往事拘牽死哀長已矣生者賞
弗延我聞申韓術名實紛糾纏承平久衰傲胥吏窟金錢
身爲血鬪體刀筆猶劊鑄秦法旣相習漢章孰敢專不聞
斷能行賊狂勢滔天殷勤持密網吞舟漏蜿蜒亦有一瞋
豪不惜萬事慎何況首鼠輩濫辱仗節賢偏能游魂汚綽
楔愧幽泉我有平生友生時百行全崎嶇戎馬中不得軀
命捐艱哉鞠躬義蠲沒久風煙弗如鷄鵠祀枉作精衛填
至名不爲名萬口能流傳

前年戰彘乾今歲河北道關山惜奔命將率各衰老昔人
重守關巍峩幾城堡指揮英雄士機疾若風掃堂堂大都
邑頭足急相保參商又列將江湖遂如燎哀哀塞垣卒得
遣已殘腦十人九傷病面目各黃槁馬骨三山峯來時盡

卷十

六

騷裏此誠百中特性命一再造道出舊軍門陰風聞怪鳥
蒿胡流血地顏色野花好日落青松陰殘灰餘骨爪叢祠
依廢壘神鬼互敬倒堵牆荆棘中遺挂尙青縹標識存名
姓不知何蠻獠亮時袍澤人此意豈相掉風雲愁黯黯恐
或亦溝殍鄉閭程百千生死未分曉傳聞卽疑信親威望
歸旒可憐老弱存入室誰竊窳黠哉沐猴兒歸去獨壯佼
雄冠耀鄉里豈特食肉飽男兒慕侯封作計慎須早生當
狼居胥死卽田橫島

東帶爲民牧儒生誠懦良十年事詩書夙昔慕軒唐筆耕
視爲田豈習菽與梁斯民幸直道迂懷感如傷大府行邊
來前驅猛豺狼前庭備供帳後戶陳酒漿威儀盛車中乃
昔同舍尉富貴出天姿敢惟一日長不見後來者行賞盡

新章軍中又積勞年力正方剛支離老儒酸囁喘重踉蹌
誰令任衢衝軍法不可當昨者隣東縣縣官身被創洶洶
羣兜釜箕踞鳴琴堂投劾舍之去西邑獨項強官錢乃積
逋除名繫銀鐺吁嗟古司牧此職聖所詳如何九折坂騏
驥不能釀白馬青油蓋伊誰獨生光盈盈府中趨晚出劇
慨慷揮金似流水湍決自有方軍行九陌過意氣殊揚揚
歸來大勞苦珍食羅幽房腰間青瑠玦笑擲邯鄲倡窮黎
歎中谷背面血流匪安知翁媪衰身死弗得喪由來國有
立此輩孰短長

昔者朔方兒兵戈死不厭沈雄幽燕將豐饒多健飯承平
百年間風氣乃輕變期門羽林豪酒食日酣豢一朝聞黠
行骨慄氣銷面黃緣百端習巧黠成懦慙則豈三山雄殘

卷十

九

凋夕陽爛當時組練出牧虎何猛悍行軍兩司馬伍卒白
差選古來軍禮中遺法蘭陵傳荒隅羣鼠輩此意孰與禮
天意幸殲賊形殘死江澗粵賊頗知什伍有兩司馬之日
賊乘馮雲山所爲也馮被擊死
全州感豐蒼頭起熊湘卓犖羣才彥師中聞有律所向輒
二年夏事鋤鏗團保說經年因循眾修變誰能讀官禮連軌識流轉
戡亂果有人吾方不欺謾從來霸王資匪獨利攻戰州有
大夫賢峩冠儼風岸微言善善言識事百鍊間迂談笑老
生勦襲事書翰勞人又多費黨惡豈有善騎人愧謬悠所
學未稽貫榮資不貂蟬又不事弓彈衰庸宜隔下侈口徒
卑賤不聞飯牛翁衣短裁至爵



